



**KEMENTERIAN PELABURAN, PERDAGANGAN DAN INDUSTRI
JABATAN STANDARD MALAYSIA**

UCAPAN

YBRS EN. HUSSALMIZZAR BIN HUSSAIN

PENGARAH KANAN

JABATAN STANDARD MALAYSIA

**HERUDI TECHNICAL COMMITTEE AWARD 2024 UNTUK KOMITE
TEKNIS PENGEMBANGAN STANDAR BERKINERJA UNGGUL.**

24 OKTOBER 2024

JABATAN STANDARD MALAYSIA

Assalamualaikum warahmatullahi wabarakatuh dan Salam sejahtera, saudara-saudari sekalian. Saya Hussalmizzar Hussain, Pengarah Kanan (Standardisasi), Jabatan Standard Malaysia. Hari ini, saya merasa amat berbesar hati dapat menyampaikan ucapan ini kepada rakan-rakan kita dari Indonesia dalam majlis **Herudi Technical Committee Award 2024 untuk Komite Teknis Pengembangan Standar berkinerja Unggul**.

Sebagai dua negara serumpun yang mempunyai ikatan sejarah dan budaya yang mendalam, kita berkongsi aspirasi yang sama dalam memajukan piawaian untuk kebaikan bangsa kita. Sumbangan yang luar biasa dari ahli-ahli Technical Committee di Indonesia tidak hanya memperkuat industri di negara anda, tetapi juga memberi impak yang positif kepada seluruh rantau.

Saya ingin mengucapkan setinggi-tinggi penghargaan atas kerja keras, komitmen, dan dedikasi anda semua dalam memastikan piawaian berkualiti yang memenuhi keperluan semasa. Usaha anda memperkukuh inovasi, keselamatan, dan kecemerlangan yang sangat penting untuk perkembangan bangsa kita bersama.

Dalam dunia yang semakin bersambung ini, standard yang anda bangunkan bukan sahaja memajukan Indonesia, tetapi juga meningkatkan hubungan antara negara-negara ASEAN dan menjadikan kita lebih kompetitif di pentas global.

Saya berharap agar kerjasama erat antara Malaysia dan Indonesia, khususnya dalam bidang standardisasi, akan terus diperkukuh, demi membina masa depan yang lebih gemilang dan progresif untuk bangsa kita.

Terima kasih atas sumbangan anda, dan semoga acara pagi ini memberi inspirasi kepada kita semua.